

*Election di pagador in campo, con ducati 40
al mese per spese.*

Sier Marco Malipiero, fo camerlengo a Padoa, qu. sier Polo	55.134
Sier Hironimo da Leze qu. sier Francesco, fo pagador a l' Armamento . .	108.87
Sier Vicenzo Morexini qu. sier Zuane da San Pollo	85.105
Sier Giacomo Antonio Tiepolo, fo podestà a Muran qu. sier Matio	48.150
Sier Francesco Zen di sier Alvise, fo savio ai ordeni	102. 89
93* Sier Filippo Marzello di sier Hironimo, qu. sier Antonio	36.155
Sier Zuan Francesco Dolfin qu. sier Vettor, fo patron a l' Arsenal	40.155
Sier Otavian Pixani qu. sier Domenego el cavalier	56.135
Sier Giacomo da cha' Taiapiera, era savio ai ordeni, qu. sier Zuane . . .	98. 67
Sier Zuan Contarini, fo in l'asedio e a la custodia di Padoa, qu. sier Alvise, qu. sier Bertuzzi procurator	100.91
Sier Marco Miani, fo XL zivil, qu. sier Anzolo	81.113
Sier Antonio Badoer, fo texorier in la Patria di Friul, di sier Giacomo, qu. sier Sebastian el cavalier	64.126
Sier Polo Bembo qu. sier Hironimo da San Zulian, fo a la custodia di Padoa con homeni a so' spese .	80.114
† Sier Tomà Michiel, el XL, qu. sier Piero da San Polo	132. 59
Sier Piero Pasqualigo qu. sier Marco, qu. sier Filippo	66.128
Sier Alvise Michiel, fo a la doana di mar, de sier Vettor	101. 91

Et compito queste electione di balotar, fo lecte *letere di Padoa, venute hora, di sier Domenego Contarini provedador zeneral, di ozi, hore*
Avisa, aver da Este, di Spadazin et Paulo di Justi, è li, come hanno eri i nimici erano a la Badia reduti a la Passiva et passati di qua di l' Adexe bon numero, et si dize hanno mandato alcuni cavali avanti verso Albarè, dove fanno la massa e si ingrosano; chi dize hanno mandato ditte zente per far la scorta ad alcuni cariazi hanno aviato et femene verso Verona. *Conclusive*, sono in ordine, et si dieno levar certissimo. Et Pregadi vene zoso a hore 22.

Tamen. Io parlai con uno vien dil Polesene, frate, dize è do zorni partì, i nimici stanno a guazzarsi con le sue done et danno fama di levarsi; ma tutte è zanze; et che è stà fato noze dil tesorier spagnol in la fia fo di Zuan Beltrame; et che 'l vicerè hora va a Verona, hora a Mantoa a done, a' piaceri, et il capitano Archon è alozato a Lendenara sopra il Polesene. *Tamen* dite noze è vere e fu fate a Ferrara zà 10 zorni.

L' orator di Ferrara, domino Obizo , tolto licentia di la Signoria, si partì per ritornar a Ferrara, et rimase quel domino Bernardin di Prosperi ritornato a starvi, et è alozato a San Zane Novo. L' orator di Franza in questi zorni non si sentiva, era sferdito; fo mandato per la Signoria a visitar, et *etiam* medici vi andava; *tamen* steva in piedi. Et ozi fo expedito letere in Franza prese di scriver eri in Consejo di X.

A dì 2. La matina, il capitano zeneral non è stato a la Signoria, che tutti questi altri zorni vi è stato; aspeta la resolution di aver danari per lui che 'l resta aver, et danari per pagar le fantarie, et *etiam* vol l' autorità di poter salvaconduti far a persone bandite; qual è compita. *Item*, vol la relaxacion di 21 presoni todeschi, è in li cabioni 20 et uno in Torisele, per poter far il contracambio con li presoni è in man di tedeschi. El qual capitano va a Treviso a esser col capitano di le fantarie zerca quelli contestabeli et fanti. Voria esso capitano ussir in campagna col campo e non star più a spexe di villani, et redursi a Burzenigo etc.

Di Padoa, di rectori e provedador zeneral, di eri sera. Come in quella matina Bernardin Calderaro con 100 cavali era pasato l' Adexe et venuto fino al ponte di la Torre vicino a Este, et trovato il ponte era roto, non è venuto più avanti; ha fato poco danno; preso *solum* do homeni d' arme nostri di li vechii; *et alia non sunt*.

Da poi disnar, fo Consejo di X con la zonta.

Di Udene, di sier Leonardo Emo luogotenente, di primo. Come eri il signor governador cavalier di la Volpe, di suo hordine, havendo inteso in Maran doveano esser partiti alcuni danari di Gradischa per dar la paga a li fanti sono de li, mandoe 12 di soi homeni et 7 di Todaro dal Borgo et il fiol, et 12 di Marian Corso a piedi, quali se imboschono mia 4 lontan di Maran, et venendo 20 schiopetieri de i nimici di Gradischa, quali portavano li ditti danari, in questa matina a l'aurora fono a la mano, et parte di essi inimici amazono, altri preseno, e altri feriteno, et preso li danari, quali sono ducati 600.